

F. H.  
124,  
59.

X 1876215

De Quadragesima.  
mā.

II i  
2616

D. V. D.

In

METALLIFERÆ FREIBERGÆ

Choro & Foro

VIRI OS

*Splendore Generis, Amplitudine Munerum  
Meritorumq; Gloriâ*

NOBILISSIMOS, EXCELLENTISSIMOS,

AMPLISSIMOS, GRAVISSIMOS

DOMINOS

PATRONOS,

INSPECTORES,

FAUTORES

Colendos, suspiciendos

AD

ORATIUNCULAS

*Quorundam* commatis optimi *Discipulorum*

VALEDICTORIAS

de nonnullis *Passionis Dominicæ* Adjunctis

*die 10. Martii*

finitis sacris matutinis

habendas

officiosissime

*invitat*

M. Tobias Siebel Freib.

Gymn. patr. Rector.

Typis Beckerianis.





**D**Ivino munere ac beneficio id temporis nunc repetimus, cujus à priscis inde temporibus, in hunc usque diem inter nos, qui Christi nomen profitemur, viget solennitas ac religio. Græci *Τεσσαρακοστής*, Latini *Quadragesima* nomine id communissimè appellitarunt. Quæ appellatio istius solennitatis partim *terminum*, partim *modum* non obscure indicat. *Terminum* quidem, quia initium ejus numerari consuevit à Dominica prima post eam, quæ *Quingvagesimæ* nomen in Ecclesia obtinuit: ab illa enim die usque ad *Ferriam Quintam* in *Cœna Domini* numerantur quadraginta dies; *Modum* verò, quia dubio procul respectum habuerunt veteres ad *Quadragesimale jejunium*, quod alio, sed barbaro nomine *Carniprivium* & *Privicarnium*, ab abstinentia à carnibus dixerunt, antiquitùs institutum. *Quo autore*, si quæras? ejusdem deprædicatores Pontificii ipsi inter se dissident. Quidam Apostolum Petrum id instituisse perhibent, quos plus trecentis abhinc annis falsè quidem, sed meritò tamen irrisit D. Johannes de Westalia, Concionator Wormatiensis: jussus enim ab hæreticorum inquisitoribus fidei suæ rationem reddere, inter cætera contra Pontificem statuit; *Si Petrus jejunium instituisset, potuisset existimari, ideo fecisse, ut pisces suos faciliùs ac citiùs venderet. Sed Christum non præcepisse à carnibus abstinere, nec ullum unquam cibum prohibuisse.* (v. Job. Wolf, *Lect. Memorab.* T. 1. p. 875.) Alii cum Baronio T. I. *Annal. Eccl.* p. 514. jejunium istud in genere Apostolicam contendunt esse institutionem, idque probare nituntur ex Can. LXVIII. Apostol. ubi: *εἰ τις ἐπίσκοπος, ἢ πρεσβύτερος, ἢ διάκονος, ἢ ὑποδιάκονος, ἢ ἀναγνώστης, ἢ ψάλτης ἢ ἀγία Τεσσαρακοστήν & ἡμέραι, καθαρῶς ἔστω.* *Si quis Episcopus aut Presbyter, aut Diaconus, aut hypodiaconus, aut Lector, aut Cantor sanctam Quadragesimam non jejunarit, deponitor.* Ex S. Hieronymo ad Marcellam adv. Montanum: *Nos unam Quadragesimam secundum traditionem Apostolorum, toto anno, tempore nobis congruo, jejunamus.* Ex Serm. VI. Leonis de Quadragesima; *Ut Apostolica institutio quadraginta dierum jejunii impleatur, non ciborum parcitate tantum modo, sed privatione maximè vitiorum.* At verò nec Apostolicæ id esse constitutionis evincit partim, quòd nullum ejus in Scriptura vel vestigium vel indicium apparet; partim, quòd ejus non eadem ubique fuit observatio. Videatur Antiquitatis Ecclesiasticæ Heluo CL. Svicerus in *Tbesauro Eccl.* T. II. p. 405. 599. ubi ex Irenæo, Eusebio, Socrate, Sozomeno, Nicephoro, Augustino &c. fusiùs demonstrat, *magnam fuisse diversitatem in dierum numero, trium vel sex vel septem hebdomadarum: in continuatione vel relaxatione jejunii, unius pluriumve dierum: in generibus ciborum: non tantum in publico discrimine pro variis regionibus, sed etiam in privato; quia nimirum quisque jejunavit pro arbitrio, non tantum pro viribus.* Rursus alii cum Eusebio in Chronico, circa A. C. 136. Quadragesimalis jejunii institutionem tribuunt Telesphoro, Græco, VI. Pontif. Rom. qui (juxta Baron. *Martyrolog. Rom.* p. 18.) Vigiliâ Epiphaniæ Domini Romæ sub Antonino Pio post multos labores pro Christi confessione illustre martyrium duxit. Sed ipse Baronius *Annal. Eccl.* T. 2. p. 91. & 129. non de recenti institutione, sed solenni potius ejusdem confirmatione id vult intelligi. Ex Irenæo verò apud Euseb. l. 5. *Hist. Eccl.* c. 23. discimus, *fuisse consuetudinem ab hominibus simplicibus privatâ religione introductam.* Additurque ibidem: *ad unitatem veræ fidei non opus esse similitudine rituum in jejuniiis.*

Si

Si quæras porro, *quo fine?* Promptissimi respondent, id institutum fuisse ad imitationem Christi, qui, ut est Matth. IV. 2. Luc. IV. 2 totos 40. dies sine cibo & potu jejunavit. Sed fallunt fallunturque, qui jejuniis Quadragesimali istum finem prætexunt. Probent enim necesse est, jejunium tale abstinentiam ab omni cibo & potu, per totos 40. dies, sicuti eam Christus observavit, cuiquam hominum esse possibilem: Probent, ubi Christus jejunii sui imitationem vel mandaverit, vel ad eam nos invitaverit: Probent, quod Discipulos ad ejusmodi jejunium, singulis annis repetitum, Servator advesfecerit: Probent nobis imitanda esse ea, quæ Christus ratione officii sui mediatorii perfecit, (ad quod ejus jejunium quoque pertinet, cum per illud nostram ingluviem aliaque peccata expiarit) sed hoc certè probabunt nunquam. Taceo ista jejunia Pontificiorum Quadragesimalia esse cultus electitii simulacra, tyrannica diabolica, blasphema Simoniaca, hæretica, hypocritica, & veri jejunii, cujus ratio in Scriptura nobis traditur, mera ludibria. Id quod egregiè pluribus jam pridem ad oculos demonstrarunt D. Mart. Chemnitius *Exam. Concil. Trident. P. IV. p. m. 186. sqq.* & D. Reinh. Backius *Copios. Expos. Evangel. P. II. p. 73. sqq.* Multò rectius & priscae Ecclesiae genio convenientius olim sensit Metrophanes Critopulus, qui (citante Snicero l. c. p. 406.) in *Confess. Eccles. Orient. c. 18.* cæteris rationibus, cur Quadragesimale jejunium observetur, istam quoque adjecit: ἐπισημῶς ἐπὶ θυραῖς τοῦ 18 κυριακῆς ὑπερ ἡμῶν παθῶ. Συναυξασθε καὶ συννεκρῶσθε τῷ ὑπὲρ ἡμῶν ἑσταυρωθέντι καὶ νεκρωθέντι, ἵνα καὶ συνανασώμην αὐτῷ καὶ συνδοξαθῶμεν, ἥδη ἀναστάντι καὶ πᾶσιν δοξαζομένῳ. i. e. *Quoniam Domini pro nobis Passio tunc instat. Una cum eo, qui pro nobis crucifixus & mortuus, nos crucifigimur & morimur, ut una cum eo, qui iam tum resurrexit atque ab omnibus celebratur, etiam nos resurgamus & celebremur.* Hoc etiam fine dies Quadragesimales olim celebrabantur Augustissimi Patris D. Augustini temporibus. Sic enim ille in *Serm. de Quadrages. Convenit nostra devotioni, ut qui Domini Crucifixi passionem celebraturi sumus, reprimendarum carnalium voluptatum crucem nobis ipsis etiam faciamus.* Et in *præfat. 2. Exposit. Ps. XXII. Passio Domini celebratur. Tempus gemendi est, tempus flendi, tempus confitendi & deprecandi.* Hujus obtinendi finis gratiâ in nostris quoque Ecclesiis hodieque usu receptum est, ut memoriam Passionis Dominicæ quotannis recolamus, ut de peccatis salubriter contristati, gemitu & fletu nos ipsos agnoscamus atque (ut verbis utar Leonis M. *Serm. 4.*) *fideliter cogitantes, de quali captivitate & quàm miserâ servitute, quo precio redempti & quo brachio simus educti, glorificemus Deum in corpore nostro.* Neque adeo omnem hoc ipso tempore Quadragesimali jejunandi rationem respuimus, sed eam probamus maximè (ô si nos omnes vitâ etiam nostrâ exprimamus!) quæ consistit in abstinentiâ à vitiis & peccatis. De qua Chrysostomus *Hornil. 3. ad pop. Antioch.* Τιμὴ νηστείας, ἔστι σίτων ἀποχή, ἀλλὰ ἀμαρτημάτων ἀναχώρησις. *Honor jejunii, non abstinentiâ à cibis, sed secessus à peccatis.* Et Cyrillus Alexandr. in *Orat. Pasch.* Ἐἴτε ἀληθῶς, Ἰησοῦ νηστείας ὁ ἱεργός, ἐν ἱερίοις ἢ τῶν ἀρίστων ἔργων ἐπιδείξις. Μὴ ἱρέσθε τὸν νῆν ἀκολάσις ἡδοναῖς. Αἰνεῖτω πᾶσα σοὶ ἡ πορεία τοῦ κέντηρον. Φεύγε τὴν ἀκαθάρτην καὶ κοινωσίαν. *Hæc vera jejunii ratio est: in his optimorum demonstratio est operum: Ne nutrias mentem immoderatis voluptatibus: cesset apud te fornicationis stimulus: fuge impurorum communionem.* Quam insigni præterea sanctitate tempus Quadragesimale olim celebratum fuerit, id quoque non obscuro est indicio, quod (docentibus Dnn. Macris in *Hierolex. p. 396.*) in Quadragesima ante Pascha non celebrabatur festum alicujus Sancti: nec Natalitia, nec Nuptias in ea licuit celebrare. It, quod Norman-

ni


PA 2616

ni Italici ( *observante Carolo du Fresne in Glossario med. & inf. Latin. T. 2. p. 484. ex Gregorio VII. P.P. lib. 9. Epist. 4.* ) per Quadragesimales dies à pugnis & præliis abstinerint. Sed quis calamus tandem sufficiat conscribendæ farragini eorum omnium, quæ de Quadragesimæ solennitate apud Moscos, Ruthenos, Æthiopes, hodiernos Græcos &c. *Filescus lib. de Quadrages. Job. Bapt. Cotelerius in Not. ad lib. 5. Constitut. Apost. Christoph. Angelus de hodierno statu Græcorum c. 4. 199. Sponius itinerar. Græc. aliique Carolo du Fresne l. c. laudati autores gravissimi memoriæ prodiderunt.* Abram-  
po igitur sanctitate temporis Quadragesimalis commonefactus ipse, ut, cum Valedicturientibus & hinc ad Scholas regias discessuris quibusdam Discipulis suppeditandæ essent materiæ, de quibus ex Cathedra ultima verba facerent, non profanas, sed sacras & meditationibus hoc tempore habendis non indignas eligerem. Prohibent nempe Juvenes moribus commodis ingenuisque artibus politissimi, de *Passionis Dominica Adjunctis* peroraturi, hoc quidem ordine, ut eam consideret ceu

- I. *Voluntariam*, Gotthelf Christian Kreckschmar/  
Sadisdorf. Misn.
- II. *Necessariam*, Johann. Christoph. Kreckschmar/  
Sadisdorf. Misn.
- III. *Præcognitam*, George Zacharias Wagner/  
Lorentzkirchâ Misn.
- IV. *Innocentissimam*, Samuel Müller/ Freib. Misn.
- V. *Verissimam*, Christophorus Amende/ Hainichio-  
Misn.
- VI. *Satisfactoriam*, Gottfried Löwe/ Sadisdorf. Misn.
- VII. *Exemplarem*, Johannes Samuel Teuchert/  
Freib. Misn.
- VIII. *Meditatione quotidianâ dignissimam*, Chri-  
stophorus Grimmer/ Bobritio-Misn.

His auscultandis, ut Vos, *Musarum nostrarum Patroni atq; Fautores suspi-  
ciendi*, unius horulæ spatium dare non gravemini, ego quidem submissif-  
simè oro atqve obsecro ; illi verò hoc officii genus mecum grata sem-  
per & ubiqve mente circumferent, nulla ex re majorem capturi volu-  
ptatem, quàm si Vobis sua probari studia intellexerint.

Scrib. Freib. è Museo d. 9. Mart. Anno salutiferi partus  
MDCXCIII.



MC



F. H.  
124,  
59.

X 1876215

De Quadragesima  
mâ.

II i  
2616

D. V. D.  
In  
METALLIFERÆ FREIBERGÆ

*Splendore*  
NOBILISSI  
AMPLI  
PAT  
INS  
F  
Quorundam  
VA  
de nonnulli  
*Munerum*  
NTISSIMOS,  
SIMOS  
OS,  
RES,  
S  
S  
discipulorum  
AS  
e Adjunctis

